

Surat khabar: Utusan Borneo (Tempatan)

Hari/Tarikh: 24/5/2016

Muka surat: 6

Tajuk : CIPTA 2016 landasan FSGK terajui bidang seni



CIPTA 2016 landasan FSGK terajui bidang seni

KOTA SAMARAHAN:

Cetusan Inspirasi Pelajar Tahun Akhir (CIPTA) 2016 merupakan landasan Fakulti Seni Gunaan dan Kreatif (FSGK) untuk menjadikan penjerau bidang seni sehingga ke peringkat antarabangsa.

Timbalan Naib Canselor (Penyelidikan dan Inovasi) UNIMAS Profesor Dr Kopli Bujang berkata CIPTA 2016 adalah untuk memperkenalkan hasil karya, produk ciptaan dan hasil penyelidikan pelajar yang mempunyai nilai komersil, kreatif dan inovatif kepada penggiat seni dan masyarakat luar.

"CIPTA turut memberi

RASMI: Kofli (tengah) bersama semua dif jemputan melakukan simbolik perasmian CIPTA 2016 di Kota Samarahan, semalam.

peluang kepada para pelajar menyampaikan idea dengan mempersembahkan hasil karya produk dan penyelidikan mereka kepada golongan intelektual.

"Ia juga bertindak sebagai platform yang penting sebagai saluran komunikasi demi mewujudkan hubungan yang rapat di antara industri dengan pelajar dan UNIMAS," katanya ketika berucap pada Majlis Perasmian CIPTA 2016 yang bermula semalam hingga 27 Mei di sini.

Ujarnya dengan ketiga-tiga gabungan tersebut maka ia akan menjadi tapak kukuh untuk pelajar berkecimpung dalam kerjaya yang akan diceburi pada masa depan.

Bertemakan 'Break-through' tegas Kopli, pendekatan CIPTA 2016 amat berbeza kerana banyak peng-

isian seni di galeri FSGK yang sinonim dengan falsafah fakulti iaitu proaktif, kreatif dan inovatif dalam penghasilan karya para pelajar.

Sementara itu, Timbalan Dekan FSGK UNIMAS Profesor Zulkalnain Zainal Abidin menggalakkan pelajar, ahli akademik dan bukan akademik mengambil bahagian secara aktif dengan menawarkan kapakaran masing-masing demi memantapkan kemahiran pelajar dari segi teori dan praktik yang amat diperlukan sebagai persiapan kerjaya di masa depan.

Turut hadir Timbalan Naib Canselor (Hal Ehwal Pelajar dan Alumni) UNIMAS Profesor Mohd Fadzil Abdul Rahman dan Penggarah CIPTA 2016 FSGK UNIMAS, Muhammad Razis Iskandar Afrizal.